

**PEKELILING PENTADBIRAN BIL. 26/2006**

**PENYELARASAN SEMULA JAWATANKUASA-JAWATANKUASA  
DI KOLEJ UNIVERSITI TEKNIKAL KEBANGSAAN MALAYSIA**

**1. TUJUAN**

Pekeliling ini adalah bertujuan untuk memaklumkan kepada semua staf berkenaan keputusan Majlis Eksekutif berhubung penyelarasan semula jawatankuasa – jawatankuasa yang ada di Kolej Universiti Teknikal Kebangsaan Malaysia.

**2. LATAR BELAKANG**

- 2.1 Mesyuarat Eksekutif Khas yang bersidang pada 10 April 2006 dan 31 Mei 2006 telah bersetuju memutuskan supaya diadakan penyelarasan semula jawatankuasa-jawatankuasa yang ada di Kolej Universiti Teknikal Kebangsaan Malaysia.
- 2.2 Penubuhan jawatankuasa-jawatankuasa adalah merupakan tulang belakang kepada perlaksanaan urusan pentadbiran dan pengurusan di Kolej Universiti Teknikal Kebangsaan Malaysia.
- 2.3 Suatu penyemakan semula ke atas jawatankuasa-jawatankuasa yang sedia ada telahpun dilakukan sebagai salah satu usaha penambahbaikan kepada urusan pelaksanaan pentadbiran dan pengurusan universiti amnya dan jawatankuasa yang berkenaan khususnya.

### 3. PENYELARASAN SEMULA JAWATANKUASA

- 3.1 Penyelarasan telah dibuat dalam beberapa perkara termasuklah urusan penetapan keahlian, pelantikan secara perundangan serta memastikan bidang kuasa dan fungsi jawatankuasa yang bersesuaian.
- 3.2 Terdapat beberapa jawatankuasa yang diubahsuai bagi memastikan kelancaran dan keberkesanannya dalam mendukung visi dan misi Universiti, iaitu :
- i) **Jawatankuasa Kurikulum Kursus PTK, Jawatankuasa Penilaian Kursus PTK dan Jawatankuasa Peperiksaan PTK digabungkan di bawah satu jawatankuasa sahaja iaitu Jawatankuasa Pelaksanaan PTK.** ✓
  - ii) **Jawatankuasa Pengurusan Universiti dan Jawatankuasa Pengurusan Kewangan & Akaun digabungkan menjadi Jawatankuasa Pengurusan, Kewangan & Akaun.**
  - iii) **Panel Pengesahan Perkhidmatan Staf dan Panel Peperiksaan Perkhidmatan Staf digabungkan menjadi Panel Pengesahan & Peperiksaan Perkhidmatan Staf.**
- 3.3 Senarai mengenai jawatankuasa-jawatankuasa yang telah diselaraskan semula berserta dengan fungsi, skop tugas dan had kuasanya adalah seperti yang terdapat di dalam **Lampiran 1**.

### **3.0 TARIKH KUAT KUASA**

Pekeliling ini berkuat kuasa pada tarikh ianya dikeluarkan.

Sekian, harap maklum.

**“KOMPETENSI TERAS KEGEMILANGAN”**

Saya yang menurut perintah

**HASAN BIN SIRUN**

Pendaftar

s.k    Y.Bhg. Datuk Rektor  
         Y.Bhg. Timbalan Rektor (Akademik & Pengantarabangsaan)  
         Y.Bhg. Datuk Timbalan Rektor (Penyelidikan dan Pengkomersilan/Inovasi)  
         Pegawai-pegawai Kanan